

შპს „ფსიქიკური ჯანმრთელობის და ნარკომანიის
პრევენციის ცენტრი“



ბეჭდვა და მასთან დაკავშირებული მომსახურებების სახელმწიფო
შესყიდვის გამარტივებული ელექტრონული ტენდერის სატენდერო
დოკუმენტაცია

(CVP 79800000)

დაფინანსების წყარო – შ.პ.ს. „ფსიქიკური ჯანმრთელობის და
ნარკომანიის პრევენციის ცენტრი“ – ს შიდა შემოსავლები

სატენდერო დოკუმენტაცია შედგენილია „სახელმწიფო შესყიდვების შესახებ“
საქართველოს კანონისა და სახელმწიფო შესყიდვების სააგენტოს თავმჯდომარის
2011 წლის 7 აპრილის N9 ბრძანებით დამტკიცებული „გამარტივებული
ელექტრონული ტენდერისა და ელექტრონული ტენდერის ჩატარების წესი“-ს
საფუძველზე

1. ტექნიკური დოკუმენტაცია

1 შესყიდვის ობიექტი: შპს „ფსიქიკური ჯანმრთელობის და ნარკომანიის პრევენციის ცენტრის“ შიდა შემოსავლების ფარგლებში, რეცეპტის ბლანკის ფორმა #3-ის ბეჭდვა და მიწოდება (ბეჭდვა და ადგილზე მიწოდება (CPV79823000)).

1.2 შესყიდვის ობიექტის ტექნიკური დავალება

1.2.1 პრეტენდენტმა უნდა უზრუნველყოს რეცეპტის ბლანკის ფორმა #3-ის ბეჭდვა საქართველოს შრომის, ჯანმრთელობისა და სოციალური დაცვის მინისტრის #01-53/ნ ბრძანებით განსაზღვრული ფორმის შესაბამისად; რეცეპტის ბლანკის ფორმა #3-ის ნიმუში ახლავს სატენდერო დოკუმენტაციას.

1.2.2 მიმწოდებელმა უნდა უზრუნველყოს რეცეპტის ბლანკის ფორმა #3-ის დაბეჭდვა, შემსყიდველის მიერ მიწოდებული ნუმერაციის მიხედვით. თითოეულ ბლანკზე ნომერი და სამედიცინო დაწესებულების დასახელება ფორმით განსაზღვრულ ადგილას „შპს ფსიქიკური ჯანმრთელობის და ნარკომანიის პრევენციის ცენტრი“ (ფორმით განსაზღვრულ ადგილას) დატანილი უნდა იქნას ბეჭდური სახით.

შენიშვნა: რეცეპტის ბლანკს- ფორმა #3-ს, ენიჭება ინდივიდუალური ნომერი, შესაბამისად თითოეულ ბლანკზე უნდა მოხდეს დიფერენცირებული ნომრის მინიჭება (დაბეჭდვა) ბლანკის ფორმით განსაზღვრულ ადგილებზე, შემსყიდველის მიერ მიწოდებული ნუმერაციის მიხედვით.

აუცილებელი პირობა:

ა) რეცეპტის ბლანკი ფორმა #3 დაბეჭდილი უნდა იყოს 80 გრამიან ოფსეტის ქაღალდზე.

ბ) ზემოაღნიშნულ ბრძანებაში უფლებამოსილი ორგანოს (საქართველოს შრომის, ჯანმრთელობისა და სოციალური დაცვის მინისტრის) მიერ ვიზუალური მხარის ცვლილების (მათ შორის ფორმაში სტამბური წესით დასაბეჭდი ციფრების, სიტყვების ან სიმბოლოების გაზრდის) შემთხვევაში, მიმწოდებელმა უნდა მოახდინოს განახლებული (შეცვლილი) ფორმა #3-ის დაბეჭდვა შემსყიდველის მიერ მიწოდებული ფორმის შესაბამისად.

2. ანგარიშსწორების ვადები და პირობები:

2.1. სატენდერო წინადადების საერთო და ერთეულის ფასი გამოსახული უნდა იყოს შესყიდვის ობიექტის მიწოდებასთან დაკავშირებული მიმწოდებლის ყველა ხარჯის (მ.შ. კანონმდებლობით გათვალისწინებული გადასახადების და ტანსპორტირების) გათვალისწინებით;

2.2. სატენდერო წინადადების ღირებულება წარმოდგენილი უნდა იყოს ეროვნულ ვალუტაში;

2.3. იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20 %-ით ან მეტით დაბალია შესყიდვის ობიექტის სავარაუდო ღირებულებაზე, პრეტენდენტმა უნდა წარმოადგინოს ფასწარმოქმნის ადეკვატურობის დასაბუთება. ფასწარმოქმნის ადეკვატურობა შესაძლებელია დასაბუთდეს, ექსპერტიზის დასკვნით რომელიც ადასტურებს პრეტენდენტის მიერ დაფიქსირებულ ფასად საქონლის მიწოდების შესაძლებლობას. აღნიშნული წარმოდგენილი უნდა იქნას შემსყიდველის მოთხოვნიდან 3 (სამი) სამუშაო დღის ვადაში.

2.4. ანაზღაურება მოხდება ეტაპობრივად, ფაქტიურად გაწეული მომსახურების (მიწოდებული დაბეჭდილი ფორმების) ღირებულების შესაბამის თანხაზე, მიწოდების შემდეგ მხარეთა შორის გაფორმებული მიღება-ჩაბარების აქტის და მიმწოდებლის მიერ შესაბამისი დოკუმენტების (სასაქონლო ზედნადები/ანგარიშფაქტურა) წარმოდგენიდან არაუგვიანეს 15 კალენდარული დღის განმავლობაში;

3. მიწოდების ადგილი, პირობები და ვადები:

3.1 შესყიდვის ობიექტის მიწოდება განხორციელდება ეტაპობრივად შემსყიდველის მოთხოვნის შესაბამისად 2016 წლის 31 დეკემბრის ჩათვლით, ყოველი კონკრეტული მოთხოვნიდან 4 (ოთხი) სამუშაო დღის ვადაში. ერთ ეტაპზე დასაბეჭდი ფორმების რაოდენობა შეიძლება იყოს არაუმეტეს 10000.00 (ათი ათასი) ცალი. დაბეჭდილი ფორმების მიწოდება „მიმწოდებელმა“ უნდა უზრუნველყოს შემდეგ მისამართზე: ქ. თბილისი, ქავთარაძის ქ. N21³.

4. გამარჯვებულმა პრეტენდენტმა უნდა უზრუნველყოს ნიმუშის (დაბეჭდილი რეცეპტის ბლანკი ფორმა #3) შემსყიდველისთვის წარმოდგენა მოთხოვნიდან 2 (ორი) სამუშაო დღის ვადაში.

5. პრეტენდენტმა ტექნიკური დოკუმენტაციის სახით სისტემაში უნდა ატვირთონ შემდეგი დოკუმენტები და ინფორმაცია:

5.1. პრეტენდენტის რეკვიზიტები (დასახელება, მისამართი, ტელეფონი, საბანკო რეკვიზიტები, ხელმძღვანელი პირის სახელი, გვარი) დანართი 1-ის მიხედვით.

5.2 ფასების ცხრილი დანართი 2-ის შესაბამისად დღგ-ს გარეშე (თუ პრეტენდენტი არის დღგ-ს გადამხდელი, ხელშეკრულების დადებამდე უნდა წარმოადგინოს ფასების ცხრილი დღგ-ს გათვალისწინებით და ცნობა შესაბამისი ორგანოდან დღგ-ს გადამხდელად რეგისტრაციის შესახებ), ასეთ შემთხვევაში დღგ-ს ღირებულება დაემატება ხელშეკრულების ღირებულებას.

შენიშვნა:

ა) ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იყოს ქართულ ენაზე, უცხოურ ენაზე წარმოდგენის შემთხვევაში, მათ უნდა დაერთოს ნოტარიულად დამოწმებული ქართულენოვანი თარგმანი.

ბ) ტენდერში მონაწილეობის მიღებით პრეტენდენტი ავტომატურად ეთანხმება სატენდერო დოკუმენტაციის ტექნიკური დოკუმენტაციით, აუცილებელი პირობით, ასევე მე-2 და მე-3 პუნქტით განსაზღვრულ პირობებს.

6. დამატებითი ინფორმაცია

6.1. სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი და ინფორმაცია ხელმოწერილი და ბეჭედდასმული უნდა იყოს პრეტენდენტის უფლებამოსილი პირის მიერ.

6.2. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში. საკონტაქტო პირი ირინე ყარაულაშვილი 595031183. ვახტანგ ჯოხაძე 571032423

დანართი 1

რეკვიზიტები:

პრეტენდენტის იურიდიული ფორმა და დასახელება: _____
ხელმძღვანელის/უფლებამოსილი პირის სახელი და გვარი: _____
პრეტენდენტის იურიდიული ან/და ფაქტიური მისამართი: _____
პრეტენდენტის ტელეფონის ნომერი: _____
საიდენტიფიკაციო კოდი: _____
ბანკი და ბანკის კოდი: _____
ანგარიშსწორების ანგარიში: _____

პრეტენდენტის ხელმოწერა: -----

დანართი 2

ფასების ცხრილი

მომსახურების დასახელება	რაოდენობა	ერთეულის ღირებულება	საერთო ღირებულება
რეცეპტის ბლანკი ფორმა #3	50 000		

*ფასი უნდა შეიცავდეს შესყიდვის ობიექტის მიწოდებასთან დაკავშირებულ ყველა გადასახადს ტრანსპორტირების ჩათვლით.

პრეტენდენტის ხელმოწერა: -----

სახელმწიფო შესყიდვების შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება/შეცემა მოხდება სატენდერო დოკუმენტაციის ტექნიკური პირობებით განსაზღვრული მოთხოვნების და გამარჯვებული პრეტენდენტის სატენდერო წინადადების შესაბამისად.

ხელშეკრულება №

(სახელმწიფო შესყიდვების შესახებ)

ქ. თბილისი

„ „ „ „ „ 2016წ.

დაიდო, ერთის მხრივ შ.პ.ს. „ფსიქიკური ჯანმრთელობის და ნარკომანიის პრევენციის“ (შემდგომში „შესყიდველი“) წარმოდგენილი მისი გენერალური დირექტორის ლაშა კილაძის სახით და მეორეს მხრივ, _____ (შემდგომში „მიმწოდებელი“) წარმოდგენილი მისი დირექტორის _____ სახით, შემდეგზე – შ.პ.ს. „ფსიქიკური ჯანმრთელობის და ნარკომანიის პრევენციის ცენტრის“ მიერ 2016 წლის ---№SPA ----- გამოცხადებული გამარტივებული ელექტრონული ტენდერის შედეგების მიხედვით ბეჭდვა და მასთან დაკავშირებული მომსახურებების შესყიდვაზე, რომლის ღირებულებაც განისაზღვრა ----- (-----) ლარით.

1. ხელშეკრულების საფუძველი

1.1. „სახელმწიფო შესყიდვების შესახებ“ საქართველოს კანონი.

1.2. სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული ელექტრონული ტენდერის და ელექტრონული ტენდერის ჩატარების წესის დამტკიცების შესახებ“.

2. ხელშეკრულების საგანი

2.1. შ.პ.ს. „ფსიქიკური ჯანმრთელობის და ნარკომანიის პრევენციის ცენტრის“ შიდა შემოსავლების ფარგლებში რეცეპტის ბლანკის ფორმა #3-ის დაბეჭდვა სატენდერო დოკუმენტაციით განსაზღვრულის შესაბამისად.

3. ხელშეკრულების საერთო ღირებულება

3.1 ხელშეკრულების საერთო ღირებულება შეადგენს ----- (-----) ლარს.

3.2 ერთეულის ღირებულება განისაზღვრება დანართი №1-ის სახით.

4. ხელშეკრულების შესყიდვის ობიექტი

4.1. ხელშეკრულების (შესყიდვის) ობიექტია: (შემდგომში შესყიდვის ობიექტი) დანართის შესაბამისად.

4.2. დანართი წარმოადგენს ხელშეკრულების განუყოფელ ნაწილს, სადაც მოცემულია შესყიდვის ობიექტის დეტალური აღწერილობა, საქონლის კოდი, ზომის ერთეული, რაოდენობა, ერთეულის ფასი და საერთო ღირებულება.

5. შესყიდვის ობიექტის ხარისხი და საგარანტიო ვადა

5.1. შესყიდვის ობიექტის ხარისხი უნდა შეესაბამებოდეს „მიმწოდებლის“ მიერ სატენდერო წინადადებაში და ტექნიკურ დოკუმენტაციაში ასახულ ინფორმაციას.

5.2. შესყიდვის ობიექტის უზარისხოვრის შემთხვევაში „შესყიდველი“ წერილობით ან სატელეფონო შეტყობინების საშუალებით აცნობებს „მიმწოდებელს“ წუნდების მიზეზების მითითებით. „მიმწოდებელი“ საკუთარი ხარჯებით უზრუნველყოფს შესყიდვის ობიექტის ნაკლის აღმოფხვრას „შესყიდველის“ ინტერესების გათვალისწინებით.

5.3. მიმწოდებელი ნაკლის აღმოფხვრას უზრუნველყოფს შესყიდველის შეტყობინებიდან (მათ შორის სატელეფონო შეტყობინებიდან) ერთი სამუშაო დღის ვადაში.

6. შესყიდვის ობიექტის მიწოდების პირობები, ადგილი და ვადები.

6.1. მომსახურების გაწევა განხორციელდება ეტაპობრივად სატენდერო დოკუმენტაციის მოთხოვნების შესაბამისად 2016 წლის 31 დეკემბრის ჩათვლით.

6.2. საქონლის მიწოდების ადგილი – ქ. თბილისი, ქავთარაძის ქ. N21^ა, შ.პ.ს. „ფსიქიკური ჯანმრთელობის და ნარკომანიის პრევენციის ცენტრი“.

7. შესყიდვის ობიექტის მიღება-ჩაბარების წესი

- 7.1. შემსყიდველის მიერ შესყიდვის ობიექტს მიღება წარმოებს ეტაპობრივად, შემსყიდველის მიერ მოთხოვნილი რაოდენობის შესაბამისად. თითოეულ ეტაპზე საქონლის მიწოდების შემდგომ ფორმდება მიღება-ჩაბარების აქტი.
- 7.2. მიღება-ჩაბარების აქტის გაფორმებამდე განხორციელდება მიწოდებული პროდუქტის საბოლოო შემოწმება, რომელსაც განხორციელებს შემსყიდველი ორგანიზაციის უფლებამოსილი პირ(ებ)ი.
- 7.3. მიღება-ჩაბარების აქტებს შემსყიდველის მხრიდან ხელს აწერს სათანადოდ უფლებამოსილი წარმომადგენელი, ხოლო მიმწოდებლის მხრიდან მის მიერ უფლებამოსილი პირი.
- 7.4. შესყიდვის ობიექტის მიღება-ჩაბარებისათვის მიმწოდებელმა უნდა წარმოადგინოს შესაბამისი დოკუმენტი დასახელების, რაოდენობის, ერთეულის ფასის და საერთო ღირებულების მითითებით.(სასაქონლო ზედნადები/ანგარიშფაქტურა)
- 7.5. მიმწოდებელმა უნდა უზრუნველყოს შემსყიდველისათვის 7.4. პუნქტში მითითებული დოკუმენტაციის წარდგენა „შესყიდვის ობიექტის“ დანიშნულ ადგილზე მიწოდებისთანავე. პასუხისმგებლობა შემსყიდველის მიერ აღნიშნული დოკუმენტაციის დაგვიანებით მიღების ან მიუღებლობის შედეგად წარმოქმნილი ყველა ხარჯისათვის ეკისრება მიმწოდებელს.
- 7.6. „შესყიდვის ობიექტის“ მიღების დროს გამოვლენილი დეფექტისა და ნაკლის აღმოფხვრას, აუცილებლობის შემთხვევაში გამოცვლას საკუთარი ხარჯებით უზრუნველყოფს „მიმწოდებელი“.
- 7.7 იმ შემთხვევაში, თუ „შემსყიდველის“ მიერ შემოწმების შედეგად გამოვლენილი იქნება „შესყიდვის ობიექტის“ უხარისხობა, იგი წერილობით ან სატელეფონო შეტყობინების სახით აცნობებს „მიმწოდებელს“ და მოითხოვს ნაკლის აღმოფხვრას 1 (ერთი) სამუშაო დღის ვადაში.

8. ანგარიშსწორების წესი, ფორმა და ვადები

- 8.1. ანგარიშსწორება განხორციელდება ეტაპობრივად, მოწოდებული საქონლის შესაბამის თანხაზე, მიღება ჩაბარების აქტისა და მიწოდებასთან დაკავშირებული დოკუმენტის (სასაქონლო ზედნადები/ანგარიშფაქტურა) გაფორმებიდან არაუგვიანეს 45 კალენდარული დღისა.
- 8.2. ანგარიშსწორების ფორმა – უნაღდო ანგარიშსწორება.
- 8.3. ანგარიშსწორება განხორციელდება ლარებში.

9. პირგასამტეხლო

- 9.1. ხელშეკრულებით ნაკისრი ვალდებულებების შეუსრულებლობისათვის ან/და არაჯეროვნად შესრულებისათვის მხარეებს ეკისრებათ პირგასამტეხლოს გადახდა.
- 9.2. ხელშეკრულებით განსაზღვრული ვადების გადაცდენის შემთხვევაში (მათ შორის ახალი შეკვეთის გადაცემის ვადის დარღვევისათვის) მხარეებს ეკისრებათ პირგასამტეხლოს გადახდა ყოველ ვადაგადაცილებულ დღეზე გაანგარიშებით ხელშეკრულების ღირებულების 0,5%-ს.
- 9.3. ხელშეკრულებით გათვალისწინებული სხვა პირობების დარღვევის შემთხვევაში, მხარეები ყოველი დარღვევისას იხდიან პირგასამტეხლოს ხელშეკრულების ღირებულების 1%-ის ოდენობით.
- 9.4. იმ შემთხვევაში, თუ პირგასამტეხლოს ჯამური თანხა გადააჭარბებს ხელშეკრულების ღირებულების 3%-ს მხარეს უფლება აქვს ცალმხრივად შეწყვიტოს ხელშეკრულება და მოითხოვოს მიყენებული ზარალის ანაზღაურება.
- 9.5. ჯარიმის გადახდა არ ათავისუფლებს მხარეებს ძირითადი ვალდებულებების შესრულებისგან.
- 9.6. მხარეები იღებენ ვალდებულებას უზრუნველყონ პირგასამტეხლოს თანხის გადახდა წერილობითი შეტყობინების მიღებიდან 10 (ათი) დღის განმავლობაში.

10. მხარეთა უფლება-მოვალეობები

10.1. „შემსყიდველი“ ვალდებულია:

- 10.1.1. აცნობოს „მიმწოდებელს“ ყველა მომხდარ ცვლილებათა შესახებ, რომელიც პირდაპირ ან ირიბად შეიძლება ეხებოდეს ხელშეკრულების პირობებს.

10.2. „მიმწოდებელი“ ვალდებულია:

- 10.2.1. მიაწოდოს „შემსყიდველს“ „საქონელი“, რომელიც სრულად შეესაბამება ხარისხით და სხვა მონაცემებით „შემსყიდველის“ დაკვეთას.

10.2.2. დროულად შეასრულოს ხელშეკრულებით ნაკისრი ყველა ვალდებულება.

10.2.3. გორმა # 3-ის ვიზუალური მხარის ცვლილებისას მოახდინოს მომსახურების გაგრძელება შემსყიდველის მიერ გადაცემული ახალი ფორმის მიხედვით.

10.3. „შემსყიდველი“ უფლებამოსილია:

- 10.3.1. მოითხოვოს „მიმწოდებლისგან“ ხელშეკრულების ყველა პუნქტის შესრულება.
- 10.3.2. უარი განაცხადოს ხელშეკრულების პირობების შესრულებაზე იმ შემთხვევაში, თუ „მიმწოდებელი“ დაარღვევს ხელშეკრულებით ნაკისრ ვალდებულებებს ან მის წინაშე დადგება დაუძლეველი ძალა.
- 10.3.3. არ სცნოს „მიმწოდებლის“ არცერთი ვალდებულება, რომელიც არაა განსაზღვრული ამ ხელშეკრულებით.
- 10.3.4. მიმართოს სასამართლოს ან სხვა შესაბამის ორგანოებს „მიმწოდებლის“ მიერ ხელშეკრულების პირობების დარღვევის გამო და მოითხოვოს ზარალის ანაზღაურება;
- 10,3,5. არ მიიღოს უხარისხო საქონელი.

10,3,6, მიმწოდებლის მიერ ნაკისრი ვალდებულების რამოდენიმეჯერ დარღვევის შემთხვევაში ცალმხრივად შეწყვიტოს ხელშეკრულება.

10.4. „მიმწოდებელი“ უფლებამოსილია:

10.4.1. მოითხოვოს „შემსყიდველისაგან“ მის მიერ მიწოდებული „საქონლის“ ღირებულების სრული ანაზღაურება გარდა 10,3,5 პუნქტით განსაზღვრული შემთხვევისა.

10.4.2. განაცხადოს უარი ხელშეკრულების შესრულებაზე ან მის გაგრძელებაზე, თუ „შემსყიდველის“ მიერ სახელშეკრულებო პირობების შეუსრულებლობის გამო მისთვის შეუძლებელი ხდება „საქონლის“ მიწოდება ან მის წინაშე დადგა დაუძლეველი ძალა.

10.4.3. აწარმოოს მოლაპარაკება „შემსყიდველთან“ სახელშეკრულებო პირობებში კანონით დაშვებული ცვლილებების შეტანისათვის.

10.4.4. მიმართოს სასამართლოს ან სხვა შესაბამის ორგანოებს „შემსყიდველის“ მიერ ხელშეკრულების პირობების დარღვევის გამო.

11. მხარეთა პასუხისმგებლობა ხელშეკრულების პირობების

დარღვევისათვის

11.1 მხარეები სრულად იღებენ პასუხისმგებლობას ხელშეკრულების სრული და უპირობო შესრულებისათვის.

11.2. ამასთან მხარეები სრულად იღებენ პასუხისმგებლობას მოახდინონ მიყენებული რეალური ზარალის ანაზღაურება, რომელსაც ექნება შესაბამისი დადასტურება.

11.3. ხელშეკრულების პირობების ცალმხრივი შეუსრულებლობა მხარეთა შორის დადებული შეთანხმების გარეშე, გამოიწვევს საჯარიმო სანქციებს.

11.4. ხელშეკრულების შეწყვეტა მთლიანი ან ნაწილობრივი შეწყვეტა მხარეთა მიერ წერილობითი შეტყობინების გარეშე და ამ შეტყობინებაზე წერილობითი პასუხის მიღების გარეშე დაუშვებელია.

11.5. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, „მიმწოდებლისათვის“ ვალდებულებების შეუსრულებლობის წერილობითი შეტყობინების შემდეგ:

11.5.1. თუ მიმწოდებელს ხელშეკრულებით გათვალისწინებულ ან „შემსყიდველის“ მიერ გაგრძელებულ ვადებში არ შეუძლია მიაწოდოს „საქონელი“;

11.5.2. თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება, რომელიც ცვლის პირობებს, რის გამოც ვერ განხორციელდება „საქონლის“ მიწოდება სრულად ან დადგენილ ვადებში.

11.6. ხელშეკრულების ცალკეული პირობების მოქმედების შეწყვეტა არ ათავისუფლებს „მიმწოდებელს“ დანარჩენი ვალდებულებების შესრულებისგან.

11.7. „შემსყიდველს“ შეუძლია მიიღოს გადაწყვეტილება ხელშეკრულების შეწყვეტის შესახებ:

11.7.1. თუ ხელშეკრულების შესრულების გაგრძელება მიზანშეუწონელია „შემსყიდველის“ ფინანსური ინტერესებიდან გამომდინარე;

11.7.2. თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

11.7.3. „მიმწოდებლის“ გაკოტრების შემთხვევაში.

11.8. საჯარიმო სანქციები რეგულირდება საქართველოს მოქმედი კანონმდებლობის შესაბამისად.

12. დაუძლეველი ძალის მოქმედება

12.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის დაუძლეველ გარემოებათა შედეგი.

12.2. ამ მუხლის მიზნებისათვის დაუძლეველი ძალა ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული „შემსყიდველისა“ და/ან „მიმწოდებლის“ შეცდომებსა და დაუდევრობასთან და მას გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იყოს საბრძოლო მოქმედებით, წყალდიდობით, ეპიდემიით, კარანტინით, და სხვა მასთან გათანაბრებული მოვლენებით, რომელსაც ცნობენ მხარეები.

12.3. დაუძლეველი გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება აღწერილობით გარემოებებისა და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისგან წერილობით პასუხს, იგი თავისი შეხედულებებისამებრ, მიზანშეწონილობისა და შესაძლებლობათა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან დაუძლეველი გარემოებების ზეგავლენისგან.

12.4. დაუძლეველი ძალის არსებობა, უკიდურეს შემთხვევათა გარდა, უნდა იყოს დადასტურებული ოფიციალური ორგანოების მიერ, პრესის ან სხვა მხარეებისათვის მისაღები ფორმით.

13. სადაო საკითხების გადაწყვეტა

13.1. „შემსყიდველმა“ და „მიმწოდებელმა“ უნდა იხმაროს ყველა ღონე, რათა მათ შორის ყველა უთანხმოება და დავა, წარმოქმნილი ხელშეკრულების ან მასთან დაკავშირებული სხვა კომპონენტის ირგვლივ, მოაგვარონ მოლაპარაკების წესით.

13.2. თუ „შემსყიდველი“ და „მიმწოდებელი“ ვერ შეძლებენ სადაო საკითხის მოგვარებას მოლაპარაკების გამართვის შემდეგ, ნებისმიერ მხარეს დავას გადაწყვეტის მიზნით შეუძლია დადგენილი წესის მიხედვით მიმართოს სასამართლოს, რის შესახებაც იგი წინასწარ აცნობებს მეორე მხარეს.

14. გამოსაყენებელი სამართალი

14.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონის მიხედვით.

15. ხელშეკრულების ენა

15.1. ხელშეკრულების ენაა ქართული. ხელშეკრულებასთან დაკავშირებული წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის უნდა შეესაბამებოდეს სახელშეკრულებო პირობებს.

16. ურთიერთობა მხარეებს შორის

16.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად უგზავნის მეორე მხარეს, გაიგზავნება წერილის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

16.2. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო ადრე დადგება.

17. ხელშეკრულების სხვა პირობები

17.1. ხელშეკრულებაში ცვლილებების შეტანა ხდება მხოლოდ მხარეების მიერ წერილობითი შესწორებით და ფორმდება ხელშეკრულების დანამატის სახით, რომელიც წარმოადგენს ხელშეკრულების განუყოფელ ნაწილს.

17.2. „მიმწოდებელს“ არ აქვს უფლება წერილობითი თანხმობის გარეშე მოახდინოს მესამე პირისათვის უფლებების გადაცემა.

17.3. ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსით განსაზღვრული შემთხვევებისა.

17.4. ხელშეკრულების შესრულების შეფერხების შემთხვევაში მხარეები დაუყოვნებლივ წერილობით ატყობინებენ ერთმანეთს და ღებულობენ ერთობლივ გადაწყვეტილებას.

18. ხელშეკრულების მოქმედების ვადა

18.1. ხელშეკრულება შედის ძალაში მხარეთა მიერ ხელშეკრულებაზე ხელის მოწერის თარიღიდან.~

18.2. ხელშეკრულების მოქმედების ვადა განისაზღვრება: 2017 წლის 31 იანვრის ჩათვლით.

18.3. ხელშეკრულების მოქმედების ვადებში ცვლილება შესაძლებელია მხოლოდ მხარეთა ურთიერთშეთანხმებით.

18.4. ურთიერთობა მხარეებს შორის წყდება მხარეების მიერ ყველა ვალდებულებათა შესრულებისა და დებიტორულ-კრედიტორულ დავალიანებათა დაფარვის შემდგომ.

19. განსაკუთრებული შენიშვნები

19.1. ხელშეკრულება დგება ოთხ თანაბარძალოვან ეგზემპლარად, საიდანაც ერთი ეგზემპლარი გადაეცემა „მიმწოდებელს“.

20. მხარეთა რეკვიზიტები

„შემსყიდველი“
შ.პ.ს. „ფსიქიკური ჯანმრთელობის
და ნარკომანიის პრევენციის
ცენტრი“

რეკვიზიტები:
ს/კ 404945164;
„თიბისი ბანკი“ ც/ფ, ბ/კ TBCBGE22;
ა/ა GE75TB7810436020100002;
მის: თბილისი, ქავთარაძის ქ. N21ა;

გენერალური დირექტორი:
ლ. კილაძე

„მიმწოდებელი“

რეკვიზიტები:

ს/კ _____
ბანკი _____
ბ/კ _____
ა/ა _____
მის: _____

დირექტორი: